

76876

地280.199

139

2013

叙州府志

山川水利水道
城池鄉鎮戶口

敘州府志卷六

山川三

隆昌縣

道觀山 縣北一里山勢迤衍岑嵐聳疊邑令朱雲

駿詩山脈來昌元蜿蜒龍起伏靈氣茲鬱蟠銀漢巉

巖轟遙峯列畫屏沃壤森林木相傳昔高賢修真蓋

茆屋仙去蹟亦湮渺渺空崖谷三臺儼星羅瓌奇峙

層麓湘岳雲煙霏膏祀薦寒馥楚騷清怨餘遷地守

敦樸徘徊一畝宮門掩蕭蕭竹攬勝時往來茗話山

僧熟縣志原附下同

敘州府志卷六

山川

隆昌

高峯山 縣西十里平疇中特拔一峯巖嶮刻秀

石礪山 縣東二十里孤標危峙眾峯環立

廻龍山 縣南一里爲縣治水口雙流競飛橫當其

衝山之東麓廻龍觀峙焉其南麓有廻龍塔岳陽張

鼎雨霽春遊詩風雨連朝暗曉櫺晴明物態媚郊坰

破雲日向花心射隔水煙於樹杪停乍聚萍星溪面

綠漸平麥浪隴頭青倦遊小憩廻龍閣靜聽泉聲度

遠汀邑令朱雲駿九日登廻龍觀詩驚心節物向闌

珊九日攜樽過石壇楓落江潭秋潦淨雲藏佛塢曉

峯寒素交不爽清風約黃菊初開白露團無限蒼涼



乘薄醉振衣千仞思漫漫

樓峯山 縣南十里山椒循石梯上如憑虛飄騰巖

徑蒼深虬枝俛襲既陟山頂四野駢羅重江縈帶通

志峯巒聳秀如文筆插天邑人王夢桂詩孤峯呈霽

岫縹渺縣城西落日餘暉照飛霞彩色迷林喧羣鳥

集山放晚煙低梵閣凌空迴仙臺勝武溪陳璋詩極

目危峯邃依稀尺五天雲泉濺竹露鳥路入松煙疎

樹風攢密殘崖寺補圓探幽情最愜明月度山巔

天峯山 縣南三十里天將雨即出雲氣瀰漫山谷

響石山 縣南四十里富順縣知縣錢紹隆宿響石

敘州府志

卷六

山川

二

隆昌

山間滇南報捷詩巴夔頻年苦戰爭鯨波此日靜昆

明風清六詔停傳箭雨灑三江徧洗兵茆屋人歸聞

犬吠古庵僧在起鐘聲何當生聚繁林總紅杏青蒲

處處耕邑令朱雲駿詩說法真能令點頭齋廚應不

借他求乘時只合勤于耜莫以貪天信謬悠頽然頑

石鎮禪林寂掃聲聞閱古今亦有噲咄鞋韉者江濱

別奏海潮音

自註寺後有巨石相傳窟穴中出米供僧故名餉石

南峯山 縣南四十里

雙龍山 縣南四十里

石硯山 縣南五十里

鄉校巖 縣東南五里通志瀘州北百里元人白良書鄉校二字於石朱雲駿詩千仞厯崎嶇雄關窮復深磴懸山路狹樹覆佛龕陰摹石鍾王法鳴泉竽籟音登臨緬名勝駐馬一沉吟

石鑼石鼓峯 鄉校巖東麓對峙二峰曰鑼鼓取形似也

玉屏山 縣東南三十里通志作正覺山崇岡峻嶺懸亘數十里爲邑南屏障每雲氣上升迴環峯半極睇如帶峯巔際天遙青一抹四時泉流不竭貯滿谿谷華葉丹碧詭狀異致明邑人郭孝懿正覺山茗泉

敘州府志

卷六

山川

三

隆昌

記山川有景物猶人有才德也人苟卓然自命懼沒世而人不稱焉彼山川甯甘闇汶乎昔人云美不自美因人而彰所以逃蓬藿者聞足音則蹙然喜冀遇一知己也余里中正覺山寺居岡阜卷阿間望樓峯響石諸山似賓主羣從周圍拱立瀘富疆域一瞬百里餘厥涌泉焉左右淵泓厥產茗焉嵐滋露沐予嘗讀書此間汲泉烹茗氣味甘美余惜茲泉之湮沒曰久而世卒莫之知余幸得知之矣欲效陸羽著茶經而弗獲空慚茗泉知己也是爲記

雲頂山 與玉屏山連頂摩霄漢

翠鳳山 縣西十五里山不甚高蔚然深秀茂林中
有寺曰普照最稱名刹

高洞山 縣西四十里左右清流交絡上有高洞寺
峯門山 縣西五十里產生查

聖燈山 縣西三十里

黔峯山 縣北六十里深巖重阻幽岫穹嵌明孝廉
彭巖攜子弟讀書於此

馬鞍山 城東十五里其形似馬蹏首俱全遠望彌
肖

扈家巖 縣西五里坡陀犖确怪石聳峙溪澗中泉

敘州府志

卷六

山川

四

隆昌

聲冷冷笙鏞迭奏俯瞰溱隆攢蹙足履樹杪香氣襲
襟袖

金鵝洞 在廻龍山之後溪水遶縣東南穿隆橋西

折環山之趾下爲懸崖飛流如練俗傳有藏金鵝其
中或以銅鵝換之又名換鵝洞一名朝霞洞邑令黃

文理賦繫蜀山之巽嶷兮峙千仞於遙空維蜀水之
紆折兮甯九曲之深融鍾靈蘊異兮表勝槩於寰中

抱介含貞兮抗微塵於綺紅瀑飛如練兮泛銀河於
溟濛厖屨奧渺兮象羽族於佳峒爾乃寥廓上浮峻

嶂下鑿紫蓋超竒雲根磅礴金微杳靄玉笥橐淪崑

蜒如龍翺翔似鶴風暫低而將飄煙纒高而不落岫
帶柳以媚川磴分流而歸壑當夫青陽司候有鳴倉
庚移芳植藻擢幹抽莖雨灑江唇瞻崖門之乍合花
明嶺簇識谷口之初晴鐘乳倒垂掩映玻璃之色風
鳴虛韻搖颺谷應之聲若乃炎蒸澳其長扇火雲赫
而四舉藉翠草以成茵度清風於巖渚竊豐樹而爲
幄聆層簷之燕語漁人鼓枻前汀兮歌翻遠浦幽禽
戢羽巉嵯兮菲微容與迨夫山亭露薄崖牖生涼香
生蘭桂吐納芬芳蓮房墜粉兮爽薦銀塘離鴻嘹唳
兮響發悠揚天晃朗而彌高兮丹宇輝煌月照空而

敘州府志

卷六

山川

五

隆昌

愈妍兮赤文采章望有年於自古兮觸石兆其倉箱
至若結素霜於深潭寒凝暑影掛珠簾於危巒凍含
修綆崆嶲寂而蕭疏溪雲繞而閭靜漉奕千村藹深
萬頃冰鑑湛然嵌空布景於是三才並四序成依斗
極拱神京開靈印之奧窔頌唐堯之德盛闡大塊之
光華紀虞舜之聖明嶒嶻大壑不減汝愚讀書之坪
窳窳神居何殊生公說法之垠依島嶼而綿邈倚絕
壁以飛騰涵清芬於一隅納萬有於羣生則有騷人
縱目韻士披襟周覽四維遊眺怡情試觀寶洞雲連
昭坤維之翕闔邃澗風飄儼仙宮之呼吸如入獻花

之場異香時襲恍瞻蚪蚪之文清標可挹青蓮桃片
之謳髯蘇洲渚之什敬叔遐稽乎天臺子長曠觀而
負笈拾級捫蘿兮陟彼山巔扶筇着屐兮縱步爭先
憇嶺畔兮腰佩懸撐火鈴兮獸炭然旣無心而任物
詎窒滯乎方圓匪希懷於蓬壺仙島聊一覽夫古蹟
零泉明胡克開觀霞行洞門燦朝霞露斂噓鵝頂結
彩泛江邊氤氲浮清影兩餘山色搖晴光輝炯炯林
香撲鼻來花露侵衣冷前汀鳥語喧樹底禪扉靜緩
步陟巉巖迤邐望青嶺不減赤城中何殊公超景趺
坐藉草茵伫立猶延頸一氣鼓太和長與天地永王

爾鑑詩聞說金鵝洞甚竒我行策馬一探之時維六
月苦炎暑雨餘颯颯林風吹出郭未到兩三里掀天
震地雷霆起雙溪曲折迴龍翔懸崖龍挂金鵝尾霏
雪霏玉仍霏煙波漲黃龍下晴天潭深疑有蛟龍鬪
顛倒窟宅噓靈泉更躍長虹光激灑霧中閃爍霞一
片樓峯動宕玉屏環四圍老樹都寒戰東西塔迴撐
迴龍峻嶒終古磨雷風天柱不折地維固影搖足練
垂鴻濛飛流正向龍門路引得金鰲化龍去邑令朱
雲駿二月八日同人遊金鵝洞詩暮春三月天風和
游絲冒空燕掠波同人懷古訪金鵝支筇犖確經坡

陀曲徑隱隱聞鳴鼉萬壑交注迸漩渦凌虛足練懸
薜蘿皎若秋夕橫銀河平原王生負星羅長吟抱膝
坐綠莎張君興高醉顏酡中州豪傑俠氣多語我築
亭山之阿日對飛瀑惟酣歌潺潺千載一刹那王廷
弼金鵝洞觀瀑布詩山水發性靈矧素耽泉石而月
灼朱曦甘霖喜通夕訪勝過城南奇踪倏開闢聲先
與耳謀殷然雷霆赫峭壁數仞懸飛流雙激射如傾
萬斛珠風卷成疋帛怒吼搏洪濤觸石烟生白水氣
薄日光凝色燦金碧宛宛澗垂虹紛郁霞百尺神爽
澹忘歸遂藉草爲席誤疑泛銀河煩暑頓冰釋探源

敘州府志

卷六

山川

七

隆昌

貴洗心吾兼濯吾魄

按縣志雲頂山後有玉蟾山屬瀘州今刪

零泉 水從廻龍山巖奔注西南流三十里匯水峽
口入岷江舊名龍門邑人郭孝懿改爲零泉原案通
志零水列縣南一里金鵝洞屬縣西里許其實同出
於廻龍山通志誤

墨溪 縣南二十里郭御史墓側溪畔有石高丈餘
其香如墨遇科年香聞數里邑中必有登科者
小溪 縣東門外內江榮昌二縣山溪水合流四十
里至此又東南三十里入瀘州界

雒江 縣西南三十里亦曰釜川

水峽口 縣南三十里兩岸峭壁摩空峯巒錯互仰視天纔一綫宛然巫峽也

龍王洞 縣北六十里洞高數丈下有深潭旱禱立應上有龍王廟

龍洞 縣東南二十里高數丈石乳倒懸近地人作蛇行入內共十餘層每層有洞通人愈入則水深莫測外有古廟名龍潭寺距洞三里許旱極則縣令率紳耆至洞前行禮畢用營鎗向洞內轟打俗呼爲打龍洞雨輒立應

敘州府志

卷六

山川

八

隆昌

魚箭灘 縣東四十里晴久水響則雨雨久水響則晴舊志稱高石坎

清灘 舊隸榮昌爲鎮明隆慶間改屬隆昌邑人熊臯書清灘二字勒石

響水灘 城東十六里

石魚灘 城東十二里其石如雙魚形一上一下彷彿游泳其間

並縣志

屏山縣

錦屏山 在治北原名大洪山突起一阜狀若屏障高數千仞周圍五十餘里嵐光飄渺景物幽深縣因

以名縣志邑人徐夢楷記道出城之北岡爲倚山山起

人面不可仰窺層累而升幾二里爲蔡家坪再上爲琴巖爲走馬嶺其倚山之椒也倚巖俯視江流如帶城堞如齒廬井纍纍烟火裊裊龍鳳兩關均可盡於一覽矣循山徑而前勢稍低所歷有竹有木有溪泉有田園廬舍約七八里而見所謂錦屏山焉山從嶺際巉然突起坦其上如引繩墨直其傍如削斧斤周遭如轉圜四望無異將自下而登非攀籐附葛不可上有旣上而還者語人曰上極平衍廣袤可四十里東望五峯層巒可指西望三溪流光如綫後臨洗油深澗不聞水聲但見飛鳥往還皆自下而上焉其色蒼翠黛光欲流蓋古樹蔭翳密箐深黝烟雲助之故青鬱不可名狀也樵者日薪樵之不加少每春夏之交山花競發點綴林間禽鳥聲喧飛鳴上下望之如畫秋冬氣肅凡山皆枯寂改顏而錦屏猶蒼翠自若及至霰集冰凝瓊瑤滿樹匹練橫空又易錦屏爲玉屏矣宜曉望朝暉炫之宜晚眺夕曛耀之宜雨後其姿潤澤宜月中其色朦朧宜遠觀嵐光隱隱宜臨水倒影沉沉時而梅開吐玉可以作庾嶺觀時而雪積堆銀可以作玉壘觀時而月出於巔可以作峩眉觀

時而雲生於岫可以作巫峽觀彼夫雪山之雄高則高矣眉山之勝秀則秀矣未若錦屏之奇特不可再見於他山也然尤有奇者錦屏之傍更有一山酷肖其形曰小錦屏噫異哉豈天地神化之理變幻而成以一而神更以兩而化耶抑陰陽奇偶之數散著於物一爲奇復二爲偶耶吾知山嶽之鍾靈於此不一而足故旁見其勝叠出其奇殆如我之有三巫之有十二也夫邑令張曾敏錦屏山詩錦屏削四壁矗立聳層霄端凝如正士峻極仰彌高蠻封應作礪幾代重分茅歸化亦已久荒服仍蓬蒿朝夕障北郭千竈

資薪樵朱霞照東麓白雲斷峯腰倏忽成膏雨沃我野田苗靈異多變幻行見產俊髦五載龍湖吏山下幾周遭佳氣日蔥鬱黛色落征袍動我烟霞興引我夢魂遙何當陟巔頂手摘斗星杓邑人聶汝佶遊錦屏山詩錦屏山莽山崔嵬錦屏翠滴水滌洞一抹屏風妙如裁四圍向背錦成堆今我登臨白雲隈振衣千仞眼界開螺折如入小蓬萊山靈爲我滌塵埃馬湖鳳嶺繞屏來扶筇拄笏眞快哉山中修篁古柏多奇才山下黃童白叟樂春臺四時山翠不須栽草木枯時花又胎柳絮楊絲繫綠槐倦遊席地生莓苔溪

畔引泉暢流杯分起選韻飲雲罍斜陽一角若相催
稻花香裏長歌回邑人聶光鑿遊錦屏山詩江城山
勢擁奇峯錦屏羅列疊如墉山山相映屏相接無數
屏錦透崆嶺石屏環繞爭圍地惹我詩情兼畫意屏
影遙遙對書樓翡翠雲母峯頭寄錦屏高處碧雲飛
金庭金江繞四圍屏中好錦看不盡踏遍吟鞵若忘
歸花縣四時山氣爽韻人韻事多倜儻公餘偶遊錦
屏山甘露隨車洽心賞

時偕宋明府同
眺錦屏諸勝

又錦屏山放

歌君不見東坡跌宕金山遊佛印玉帶至今留又不
見風流羊叔登峴山殘碑片石傳人間胡爲我亦有

敘州府志

卷六

山川

十一

屏山

錦屏千載曾無車轍馬跡經珠光藏匣玉蘊石千崖
萬壑鬱空青下有龍馬出沒之深淵上有虛無縹緲
之雲烟四面屏峯森壁壘中間邱壑走蜿蜒鸞鳳前
驅猿鶴導天風吹我山之巔捫蘿牽葛恣遊歷兩腋
飄飄若神仙仙人兮呼不起仙之蹟兮可屈指或
若前笏朝天中或若眾流歸澗底或若神鬼扇陰陽
或若龍蛇盤迤邐

缺七字

一峯未平一峯起登高四

顧神悚惶但覺峩眉筆架書樓都歸我眼睚底人生
苦被塵寰擾習習有似籠中鳥低頭踞蹠常不歡歲
月無情頭白早何不茲山縱遊眺青天爲我開懷抱

手持綠玉杖足登青雲梯俯仰天地一長嘯萬籟俱
寂聞天雞吁嗟乎人生不必苦搜求勝地只在人珍
惜天下含英育秀豈獨錦屏山安得物色風塵同此
賞真迹我今來遊幾馳慕不學紫芝翁常羨香山佳
亦不願天台遊仙鄉回首縹雲樹但願蓬萊瑤島任
我肆遨翔聳身直上青雲路宜賓邱晉成屏山懷古
詩春雨初晴叫白鷗桃花開徧錦屏山朱提南去通
烏撒瀘水西來繞鳳關薛氏書堂荒箐外唐蒙故道
夕陽間時平卻幸無邊警極目烟榛意自閒新附

交椅山 治北龍山峙其左鳳嶺環其右狀如椅形

山川

屏山

敘州府志

卷六

三

故名

望龍山 治東高昂如龍首故名崖上大刻云中流
砥柱崖下刻云龍躍天津

鳳凰山 治西環抱城郭如鳳舒翼故名崖上大刻
云鳳嶺迴環

清涼山 官斗山 俱在三公鄉

天魁山 在兩合鄉

青嵐山 在福延鄉

玉峯山 在福延鄉山形聳秀望若碧玉撐霄

五峯山 治東北二十里五峯排列高下相聯上有

風洞昔有見戴笠乘羸攜僕負劍狀若遠行者自洞中出倏大風震動林木

虎頭山 在福延鄉並縣志

書樓山 治東五十五里孤峯突兀有巨石方疊如

書册故名山麓有薛文清公祠縣志通志明統志書樓

山在平夷長官司東一百二十里名勝志書樓山在

司治東嶺上疊石類書卷然其編戶亦曰書樓里新附

筆架山 在書樓鄉尖峯聳列若筆架故名

統山 在黑河鄉

大巖門山 小巖門山 掛燈山 俱在巖門鄉

敘州府志 卷六 山川 三 屏山

尖山 在馬草鄉

王家山 在茨黎鄉

馬頭山 在瓜露鄉

官帽山 在龍水鄉

安家山 在羅柘鄉

鏡山 治西三十五里山下有泉澄澈如鏡

金庭山 治西六十里山勢平正狀如庭堂土石黃

赤皆金色

老君山 治西北七十里即青孤山秀出眾山之表

望之蔚然周圍百餘里上有老君廟以鐵瓦覆之旁

有觀佛臺每歲六月朝拜者甚眾會畢必有雨謂洗
山雨

高家山 萬靈山 俱在平夷鄉

隆馬山 治西北八十里山形豐隆狀如行馬

八仙山 黃家山 俱在龍溪鄉

小悍山 縣西北一百九十里山崖險峻水流悍急
故名

合面山 牛心山 五角山 俱在新沾鄉

龍頭山 旌武山 白蠟山 紗帽山 俱在蠻夷

鄉

敘州府志 卷六

山川

古

屏山

神木山 治西北二百里明永樂四年採柎木於此
不假人力度險自出遂封神木山歲時祭之並縣志

夷都山 治西北二百五十里高聳秀麗夷暇多會
於此山共九重俗名九重山縣志按寰宇記歸順縣有

夷都山卽此蓋歸順從郁鄢縣析置郁鄢廢縣在宜
賓西北境實與屏山接壤

高現山 卽夷都山之陽明永樂五年建神木山祠
於此有記附木政

北華山 在中都鄉

八面山 在史村鄉

靈龜山 仙女山 俱在沐川鄉

蓮花山 迴龍山 俱在大村鄉

青山 在李村鄉

腳板山 在利店鄉

龜頭山 在鳳村鄉

屏風山 四面巉削惟西崖一綫路可登

草山 帶鈎山 俱在石堰鄉

玉臺山 金雞山 石牛山 萬金山 俱在榮丁

鄉

朝天馬山 在青龍鄉以雲之有無卜陰晴甚驗

敘州府志

卷六

山川

五

屏山

縣志原按通志有寶屏山大鹿山今屬雲南有雷

番山龍源山今屬馬邊故不載

走馬嶺 在兩合鄉

白巖嶺 栗子嶺 俱在福延鄉

月波嶺 在書樓鄉

羅漢嶺 祈雨嶺 俱在龍溪鄉

鏡鈹嶺 在新沾鄉

分水嶺 在榮丁鄉

並縣志

琴巖 在兩合鄉縣志邑人徐夢楷琴巖春眺詩風歛

殘雲四望開遊人同上錦屏隈山從玉壘橫天起江

自金沙捲地來細草紆青迷曲徑淡烟浮白罨新苔

太平景象春光好共洗銀壺醉綠醅新附

赤巖 治東北十二里在錦屏山左

龍柱巖 在三公鄉

統翬巖 治西五十里高巖聳秀文采斑斕若諸夷

所績統翬之狀

脚板巖 龍馬巖 俱在平夷鄉

乾巖 在龍溪鄉

手爬巖 在蠻夷鄉

紅巖 在黑河鄉

敘州府志

卷六

山川

夫

屏山

扁巖 在王家溝鄉

打寨巖 在巖門鄉

觀音巖 在瓜露鄉

黃傘巖 掛榜巖 俱在史村鄉

佛耳巖 千佛巖 俱在鳳村鄉

寨子巖 在利店鄉

銅鼓巖 層巒聳翠形若銅鼓故名

觀音巖 三層巖 俱在榮丁鄉

縣志原按通志有十丈空巖今屬馬邊故不載

瑪瑙連珠峯 鳳翅盔峯 俱在書樓鄉

雲峯 在中都鄉

獅子岡 在福延鄉

旗山岡 在史村鄉

趕場岡 在瓜露鄉

龍橋三坡 在三公鄉

梅子坡 在龍溪鄉

黃泥坡 在中都鄉

茅趕坡 在鳳村鄉

茅坡 在李村鄉

箛箕坡 在榮丁鄉

敘州府志

卷六

山川

七

屏山

青菜坡 在茨黎鄉

上會頭坡 在新沾鄉

鴛鴦坡 在羅伍鄉

白雲洞 在泥溪仙人王守中調息處

響水洞 在三公鄉

英雄洞 在平夷鄉深遠莫測相傳黑龍土主曾憩

此洞旁鐫萬古英雄四大字

珍珠洞 神仙洞 在蠻夷鄉並縣志

丹霞洞 清溪屈曲石上鐫同盤谷三字深入狹徑

石壁天開明嘉靖時夷靖鑿石為洞額曰丹霞洞內

外所鐫詩字甚多縣志富順何鍾詩野服黃冠此石門

紫雲丹鶴共晨昏蒼龍光射羣妖服寶鴨香浮四座

温壺裏吐吞閑日月洞中俯仰小乾坤漁樵若問仙

人記遺蹟留題萬古存新附

盤陀洞 龍虎洞 俱在中都鄉

寶珠洞 在福延鄉

鑼溪洞 在巖門鄉

凌雲洞 長川洞 俱在榮丁鄉

大魚洞 在青龍鄉時有魚自洞內出

縣志按通志有武侯藏甲洞今屬馬邊故不載

敘州府志 卷六

山川

六

屏山

魚子孔 在黃丹鄉

哇魚孔 在李村鄉

冒水孔 在蠻夷鄉

兩合石 在城西大石中分上覆以樓

天經石 在獅子岡縣志徐夢楷詩巉巖巨石重郊坰

未必當年是落星祇為鬣封鮮孝子人人過此慄天

新附經

羣猪石 在獅子岡色黑似猪相傳昔日食人禾稼

鑿破之患始息

三台石 在萬渦狀如品字每春遊人多讌集其上

鷹觜石 在兩合鄉

雞肝石 在三公鄉並縣志

乞子石 蜀典郡國志乞子石在馬湖南岸一作東

石腹中出一小石名勝志作流出小石西石腹中懷一小石故

熨人乞子於石每有驗因號焉寰宇記乞子石在戎

州五里兩石夾青衣江對立如夫婦之相向故老相

傳東石從西石乞子將歸故風俗記云人無子乞禱

有應按樂史之言非也在金沙江若青衣江在嘉定

矣石在屏山縣七十里俗呼二石為甘酒壩懸崖中

窪石壁上嵌二圓石如卵大如斗也新羅東崖壁上

敘州府志 卷六

山川

九

屏山

有三石膽狀如酒壩明時都察院某題曰他山之石

縣志

筆架石 仙人石 俱在平夷鄉

咋口石 在馬草鄉

龜靈石 牛形石 俱在中都鄉

馬湖江 在縣南省志自烏蒙土司流入又東入敘

州府宜賓縣界即古瀘水也

西甯河 源出雷波流入馬湖江

中都河 在蠻夷鄉

舟塢河 在龍溪鄉

泥河 在史村鄉

沐川河 治北二百里峯崖竦立如人沐浴之狀源出夷都山下流過炭庫鄉至犍爲縣沐溪口入岷江卽古沐源川也

右溪河 源出白巖寨

左溪河 在沐川鄉

干溪河 在大村鄉並縣志

清水河 源出馬邊白榮丁鄉入屏山界至周垵通

舟楫下流至黃丹鄉入犍爲縣孝女渡入岷江曰清

溪口縣志邑令張曾敏詩清水河邊柳眼開漁人家住

敘州府志 卷六

山川

三

屏山

碧潭隈扁舟一放垂楊岸尺半銀鱗入網來新附

周垵河 在龍水鄉

楊溪河 在楊村鄉下流與清水河合

龍沱 在龍溪鄉有龍潛其內旱時禱雨輒應

石板沱 在龍水鄉

洗脚溪 在福延鄉溪石橫拖一漕深丈許寬二尺

長十餘丈土人名龍拖漕

水碓溪 天神溪 灰獺溪 福延溪 洞巖溪

俱在福延鄉

龍三溪 前後溪 俱在書樓鄉

水母溪 在兩合鄉

金魚溪 治西三里中多金魚

普村溪 泥溪 三公溪 俱在三公鄉

深溪 黃龍溪 葫蘆溪 清水溪 俱在平夷鄉

米湯溪 鄔溪 源出馬邊流入西甯河

東興溪 下流入西甯河

團魚溪 下流入西甯河

瑪瑙溪 源出馬邊入西甯河

鄧溪 羅三溪 黃鍾溪 俱在蠻夷鄉

什葛溪 治西七十里源出小悍山下流入馬湖江

敘州府志

卷六

山川

三

屏山

溪岸一竅曲折吹之鳴鳴如角聲又名石角溪

芭蕉溪 治西北二百六十里源出龍馬山流出夷

都溪入馬湖江

夷都溪 在中都鄉

麻陽溪 在新沾鄉

大龍溪 源出老君山與小龍溪細沙溪合至馬草

鄉箭板場與宜犍三交界由宜賓龍溪口入岷江

小龍溪 源出老君山

細沙溪 源出老君山

花蛇溪 俱在龍溪鄉

富民溪 在史村鄉

龍門溪 在沐川鄉

劉三溪 臭水溪 俱在鳳村鄉

銅鼓溪 在利店鄉

大母溪 在炭庫鄉

瓜露溪 在瓜露鄉

龍盤溪 夾溪 俱在榮丁鄉

漏眼溪 在楊村鄉

按通志有大鹿溪大文溪小文溪悔泥溪縣志云今屬雲南故不載惟縣志有檜溪攷輿圖在江之

敘州府志

卷六

山川

三

屏山

南亦屬雲南今刪

孟密淵 在沐川下流積而成淵

龍淵 在蠻夷鄉並縣志

螞蝗溝 在城門縣志陳琦夜聽螞蝗溝泉聲山氣釀

雲雲滿天濕雲入戶凝輕烟芭蕉葉上瀟瀟雨一夜

泉聲到枕邊新附

鴨兒溝 穿城內流入馬湖江

胡家溝 大橋溝 石溪溝 俱在三公鄉

新莊溝 在福延鄉

黑河溝 文家溝 俱在黑河鄉

梅溪溝 在炭庫鄉

土溝 大溪溝 小溪溝 俱在洗油鄉

箭子溝 在黃丹鄉

鮮家溝 在龍溪鄉

韋家溝 在羅伍鄉

仙人溝 在平夷鄉

歇停溝 在蠻夷鄉

小河溝 在新沾鄉

箭溪溝 在利店鄉

龍洞溝 在榮丁鄉相傳昔有龍潛故名

敘州府志 卷六 山川 三 屏山

船板溝 後池溝 俱在榮丁鄉

雞公灘 治東二里其崖如雞竦立

蓑衣灘 治東十五里大水險

青苔石灘 治東二十里大水險

波浪寺灘 治東二十五里小水險

辣子渦灘 治東三十五里大水險

清明渦灘 治東四十里大水險

芭蕉磴灘 治東五十里

黑坎灘 治東六十里險

新灘 治東六十五里大水險

狗兒坎灘 治東八十里大水險

廟渦灘 卽西關渡大水險

捲子灘 治西三里小水險

結髮灘 治西二十里灘水縈迴狀如結髮並縣志

豹子腦灘 治西三十二里大水險縣志邑令張曾敏

詩龍湖山色景重重綠水中分兩岸峯豹子灘頭朝

放艇一時齊到碧芙蓉新附

雞肝石灘 治西三十五里大水險

石溪灘 治西四十里小水險

新開灘 治西六十里最險康熙甲午秋雨顏山壅

敘州府志

卷六

山川

三

屏山

水土人開之故名

桂溪灘 治西八十里大水險

廟基子灘 治西九十里大水險

箬箕沱灘 治西一百里小水險

牛皮灘 治西一百三十里大水險

戊子灘 治西一百三十五里大水險

乾溪灘 治西一百五十里大水險

母猪灘 治西一百六十里大水險

石梁子灘 治西一百七十里大水險

三羌灘 治西二百里險

苦竹灘 治西二百二十里

葉灘 治西二百四十里

鹽井渦 治北四里其水鹹滷

大龍渦 治西九十里中有龍潛

鏡泉 治西三十五里鏡山下

一碗水泉 治東十五里水自道旁石穴流出

鳳池 治西二十五里

藍池 在榮丁鄉並縣志

馬邊廳

鎮城山 卽營盤山在治西山自峩眉發脈迤邐數

敘州府志 卷六

山川

三

屏山 馬邊

千里盤旋而來到頭起三尖峯作飛鳳之形有營盤

舊址故俗名營盤山形勢崎峻山脚下卽廳城大河

繚繞自南而北而西復折而北登眺則羣山環拱遠

近峯巒歷歷在目晴嵐翠岫烟景絕佳廳志明徐宗仁

詩乘興登山岳全城縱目觀有江堪作帶無嶺不飛

蠻古墓牛羊踏深林鳥雀攢凌空一長嘯俯仰十分

寬

國朝通判周斯才西山歌哭兀西山周遭城郭紫氣朝

霏蒼烟暮合猗與仰止希心造極時維冬晴崔巍宜

陟雖非暮春少長咸集遵彼南陬循麓而北疊嶂旣

升故壘堪軾

山頂舊有營盤故俗名營盤山

壁上縱觀諸山誰匹翠

列西屏中峯臺笠苔蘚席裊賈勇不息藉白巖難胡

斬乃力聯袂共躋凌霄拾級乍失欽崆旋驚嶄前鰲

背既控靈脈可識諦視支分大有屹立

來龍從大峽有岡脫卸

辭重嶺下車長揖飛舞迴翔六爻騰螫如緋斯縈如

髮斯櫛尺蠖屈伸蜂腰鶴膝驥驤雲遶虎附鳥翼自

坤未過峽由南轉北再折而東起伏凡六馬當午位白虎在西畢月鳥亦西方宿也

是為西山

坐幸向乙蓮開萬仞掌擎文筆真武左環翠嵐晴溼

鍾阜南陳雲鬢秀逸千里峩眉靈湫噴溢彩落雙虹

瀾迴層閣渴龍奔泉西江一吸寶藏所鍾卜云其吉

敘州府志

卷六

山川

三

馬邊

文昌肇禮於焉作室美哉賴因山河茂密誰開草昧

剪除荆棘撻伐用彰正茲封域賦乃蕩平版圖爰入

緬彼寔峩昫昫原隰惟民生厚樹藝稼穡溯教之源

惟幾惟勅忠信篤敬蠻貊是式稂莠不除嘉禾不殖

治民事神協於克一司牧斯民無忘乃職牛山興感

君子所惑登高臨深相期崇德願託素心長誥竟述

新附

蓮華山 在治東山由烟遮分脈而來自東轉北迴

環合拱作鎮城之屏隔河遙峙中峯隆然獨聳雲巒

叢簇若蓮華然峯下舊有廟宇今廢遺址尚存廟側

有泉方纔盈尺不涸不溢滌洄清冽掬之可鑿夜常
出神燈初若火炬其焰熒熒漸開漸大忽然而散或
大或小或遠或近或分或合不啻千數百蓋良久乃
滅歲或一二見不輕遇也

真武山 在治北山麓建真武廟林木森然

寨腳山 由真武山分支直趨河岸爲廳城鎖水口
山

龜鳳山 治西北十里山形聳峙峭壁峻岩樹木陰
翳上建有萬壽寺

百丈岩俗名關門山 治西北二十五里

敘州府志

卷六

山川

三

馬邊

鐘山 治南五里雲巒秀逸晴明望之如煙螺翠髻

雪羅山 治南對岸自鐘山分支或起或伏至此崗
阜高出迴拱鎮城

煙遮山 治東三十五里亦發自峩眉至煙遮作峯
腰之形分二支左一支接蓮華山右一大支龍飛鳳
舞直至敘州府合江門而止

大池山 治南五里在李家山之半相傳先係古廟
後陷成大池周遭二里許深不可測

文筆山 治東南五里如筆穎凌空

官斗山 治南十五里三面皆峭壁其上平坦可二

里許狀如斗形故名

七星山 治南四十里如玉筍排列

白巖山 治西六七里巖勢峻峭如積雪一片近頂有洞有好事者攀藤附葛而上見有石床石竈等物但不敢深入故呼仙人洞

龜蛇山 治北二十里二山並峙右如龜形左如蛇狀

紗帽山 治東北五里

壓殿山 治北二十里

龍泉山 治北二十五里

敘州府志

卷六

山川

三

馬邊

金家山 治西北二十五里旁有涼風洞盛暑當之其氣冷然

魚倉山 城西三十里山脚下卽大河多出嘉魚故名

金鳳山 治東南五十餘里勢如金鳳朝天左右兩山如鳳翅飛騰之像僅有一路可通山頂上舊有王母殿至今祀事稱極盛焉

蘆藁溪山 治西四十五里遠望如屏峯巒陡峻樹木青翠山徑如懸梯路斷處用木架橋仰視則峭壁接天俯矚則下臨無地

甘家山 在三河口南距城一百四十里爲漢夷交界處

龍源山 治南百餘里與屏邑接壤山三面皆岩惟前一路可登其上平坦處墾田百餘畝中有泉源湧出灌溉不竭

葯子山 治西一百七十里橫亘數百里林箐茂密遙望接天爲漢夷交界處

三寶山 在涼山夷地出黃連貝母附子故名不計道里

谷堆山 在前營夷地與雷波交界去廳三百餘里

敘州府志

卷六

山川

三

馬邊

山形陡峻相傳爲孟獲故巢

涼山 在夷地是山高出重霄雪積山頂六月不化故名涼山左通建昌右通雲南前通雷波

大旺山 治北一百二十里產銅礦

佛來山 治北十里

王家山 治南六十里

珍珠山 治南六十里俗以爲珍珠對瑪瑙是也

趙家山 治南五十里明建趙家堡猶存

楊家山 治南八十里

黃鶯山 治東六十里

大村岡 治南一里

石廠岡 治東五里

沙田岡 治西五里

五馬岡 治南十里

黃茅岡 治南二十里上有李將軍墓

水派岡 治南二十里永樂溪沿岡分派故名

梘槽岡 治西二十里上有腴田自兩合岩引水灌

溉

青龍岡 治西三十餘里羣山拱列蜿蜒起伏勢如

游龍

敘州府志 卷六

山川

三

馬邊

大有岡 治西六十里發脈裁眉支分迴合中峯屹

然為邊境主山舊俱老林近已開墾過半過山即後

營廳志周斯才岡外行龍湖吏懶日無事公餘檢點蠹

蟬字忽傳岡外有公趨僕隸奔馳宿旅次西山壘壁

故營盤撐橫怪石激怒湍籃輿宛轉撥雲上回首城

堙已倒看水聲汨汨循溪壩去城三十里壩上人家

幾村舍我為麥飯暫停驂巖壑東登復西下排雲列

障絕援攀道是盧稿溪上山峯高疑碍日月過此外

豈復有人寰巉巖摹頂望大有石棧雲梯誰引手飛

猿絕鵠軼重霄花板諸岡攢峽口最後天峯並梅嶼

永興場對河為天寶山鴻溝劃出夷巢阻烟霏霧合

梅子壩漢夷於此分界共徘徊天塹往來乘風舉會聞混沌闢洪荒驚叢開

國何茫茫邛崃越嶲吾西土賴因乃在山之陽明萬曆賦

乃黃螂叛討之既平設千巖萬壑自邃古木魅山精

走豺虎芟夷樵徑亂山巔置身猿莽驚日午神禹往

蹟浸湮世柯斧誰尋伊何歲蒼虬顛倒臥烟霞為棟

為梁都不計開墾老林者率先伐山木緣不通水道

無由運用大者多至十餘丈橫臥山顛

歲久悉就腐朽中峯柱立宗動齊大有岡中峯萬仞屹立如

天誰開鳥道絕天梯捨身蟻附魂飄颺怕聽鳴澗萬

仞低世路險夷恒對待畏途那意頻遭始人力既竭

鬼神依聳立不覺形骸在欲下薦蘿蹊幾曲卷石不

堪容側足盤旋木末鳥呼人似戒顛危審立躅新附

瑪瑙岡 治南六十里

瞿華岡 治南七十里

來斯岡 在火石墩西橫嶺坡陀下為合山溪

攔馬岡 治西三十里東接鎮城山西連大有岡上

有營盤基址即馬寨營

花板岡 治西一百一十里與來斯岡相接產銅礦

排甲岡 治西二百餘里在夷地為土外委烏卜住

牧

側耳巖 治西二十餘里峭壁臨江緣岩鑿路僅可
通人爲達犍嘉要道

銅鼓巖 治西北六十餘里岩高百仞周圍石壁聳
峙如銅鼓然岩畔有石鼓祠三字

圓光巖 治西六十餘里有巨石如鏡望之如紅輪
掛壁圓光四映

鹿遊巖 治西七十里與圓光岩對峙峭壁摩天上
多野花有苔紋結成鹿形若野鹿啣花狀

雞公巖 治東七十餘里距金沙江百餘里岩下深
溝發源黑水河流注金沙江

敘州府志

卷六

山川

三

馬邊

紅巖 治南六十里其山三面皆赤石嶙峋壁立萬
仞朝暉夕照紅光遠映望之如絳雲之在霄其岩半
有石穴深窅莫測傳卽黑龍蟠伏之所今洞口刻龍
神鎮之

香花巖 治北四十里岩畔古刻有大接引佛像霞
光掩映望之儼然

兩合巖 治西二十里

慈竹巖 治東二十里

草箭巖 治西二十里上多異草形如竹箭堅不可
折今開墾耕種芟薙殆盡

大紅巖 治南七十里

土地巖 治南六十里達烟峯城峭壁千尋鑿道其中極爲險要

觀音巖 治東六十里其岩峻峭如削

伏虎嶺 治東二十里上建伏虎寺

涼風嶺 治南二十里在黃茅岡之絕頂雖盛暑經之其風颯然

分水嶺 治北三十五里交屏邑界

古董坡 在蕎壩鄉

長腰坡 在分水嶺下

敘州府志

卷六

山川

三

馬邊

闡天坡 在官湖鄉山王廟之下嘉慶八年猓夷滋擾鄉勇於此堵禦

板子坡 在烟峯城西北

新鎮河 舊名清水河亦即清水溪發源涼山夾鎮山後嶺迴環而下繞城自南而北轉東過沐川司合

犍爲川河

黑水河 去鎮城三十五里自烟遮山黑龍池發源由中都入蠻夷司合金沙江

兩河口 在烟峯鄉

三河口 在後營崗外鄉

黑龍池 去城東五十里在烟遮山下其池濶約一里中有神物

魚洲沱 在官湖鄉中多嘉魚

官帽洲 治南二十五里官帽場其西岸達烟峯東岸達瑪瑙稱要津焉

大巖沱 去城南二十五里在官帽洲之上流東西巖各一石岡蜿蜒插入江心沱中一大圓石現於水面俗呼為雙龍抱珠其西岩畔有大岩人仙四字磨石溪 在官湖鄉溪內一帶青石中有石洞寬三尺許溪水中激於內深不可測舊傳吳兵過此擲金

敘州府志

卷六

山川

三

馬邊

於內至今沙石不能壅塞

柏鎮溪 永樂溪 黃葛溪 山重溪 竹溪

豐溪 打鹿溪 大坪溪 後營溪 俱在官湖

鄉

永塞溪 在川秧鄉

瓊光溪 大郭溪 小郭溪 劉秀溪 三溪口

金溪口 楊家溪 桃子溪 紅溪 水獺溪

俱在蕎壩鄉

上溪 在上溪鄉

下溪 隴子溪 俱在下溪鄉

銅廠溝 在官湖鄉產銅礦

溫水潭 在雪口雖嚴冬水性亦煖

鹽水孔 在官湖鄉中有泉水味鹹如鹽今竭並廳志

雷波廳

錦屏山 治北五里奇峯秀麗積翠流霞廳志下同

八仙山 治東五里山勢相連峯巒秀麗

鳳尾山 治東五里

虎帳山 治北五里

寶壽山 治西二里又名大旗山

天寶山 治西二里界連烏角

敘州府志

卷六

山川

三

雷波

龍頭山 治西一百二十餘里舊有鉛廠每年納課

解庫

石城山 治西三十里層峯聳翠石壁堅如城壘

咩咩山 治西四十里一作密密山

小涼山 治東六十里箐口對山

元寶山 在黑角銀廠溝界

五寶山 在黑角銀廠溝界

雷番山 在治北明統志在馬湖府城北三百八十

里隋史萬歲征西南夷過此嘗書雷番山三字鐫於

石壁字迹猶存山中草有毒經過牲畜必籠其口行

人亦必緘默若或高聲雖冬月必有雷霆之應原按
省志於雷波山內亦載此條今徧訪聽人罕能知其
處所唯傳黃茅岡山脚行人經過不敢高聲否則雷
雨驟至萬歲所經當卽此山

貝海山 在黃螂城西山形如黛秀峯蔚起佳木葱
鬱

文廟山 左家山 游家山 俱在黃螂

雞迹山 阿霧山 俱在黃螂南鄉祛裡密地

角鹿山 距黃螂四十里

磨范姑山 必么姑山 補加山 俱在黃螂城南

敘州府志

卷六

山川

三

雷波

阿揭波霧山 在黃螂城東

官七山 安爪落山 挖噶山 俱在黃螂東鄉

特普山 濯居那撻山 黎壇波山 撻把山 俱

在黃螂北鄉

白崖頂山 天馬山 觀斗山 俱在天姑密地

大寶鼎山 距城八十里爲東北諸山之主山最高

約行一日乃至其頂晴霽則黃螂海腦壩東林鄉各
處皆見之形圓如鼎故名產銅鐵鑛

玉帶山 在祛裡密地

龍鳳山 轎頂山 周家山 俱在牛吃水地產鐵

礦

厚山 在中山坪山半瀑布飛懸嵐光縹渺

寒婆嶺 治西一百八十里

象鼻嶺 治西南

分水嶺 治東六十里由箐口而上烟霧迷天夏月少晴多雨冬更積雪結冰不解

呈祥崖 治北十里龍洞泉所出

觀音崖 一在城北五里依後山一在城北三里龍

洞泉水溝上

燕子崖 治南二十里

敘州府志 卷六

山川

三

雷波

獅子崖 治南十五里烏角汎地其形如獅

梯子崖 治南六十里

高崖 在海腦壩後山

徐家崖 在海腦壩與高崖聯接

白崖 在東林鄉

核桃坪 治東四十里

中山坪 在東林鄉

嘉魚坪 在中山坪有穴出嘉魚味鮮美值春初取之土人又謂之桃花魚

梅子岡 在治西

杉子岡 治東八十里

騎龍岡 治東二百里

大小谷堆 俱在治西涼山地界歸土司管轄

雷神洞 治東三里怪石呈奇幽深曲折實天生異境也

天寶洞 治東南十五里崖水下滴日夜不絕若遇夷氛鄉人避難於此可容百餘人

天仙洞 治西十五里相傳陳真人修煉於此

大崖洞 治東一百八十里交屏山界

龍湖 卽馬湖在廳治東九十里黃螂西南五里長

敘州府志

卷六

山川

三

雷波

三十里廣十里去大江二十里其水與江流同消長日夕作潮四圍皆峻崖中有土山如螺髻俗名海包可居四百餘人上建海龍寺附近居民數十家以佃

漁爲業土山之側有海馬石長五丈餘相傳昔年有

神馬見此石上

南中志朱提縣有大淵池水名千頃池西南二里有堂琅山多毒草盛夏

之月飛鳥過之不能得去蜀都賦注龍池在朱提南數十里周四十七里名勝志馬湖府漢牂柯郡地界有龍馬湖郡名取焉湖去郡三百里四圍皆峻崖中有堆如螺髻去大江二里其水與江流同消長日夕作潮相傳有龍馬見於此馬邊廳志馬湖在城西一百七十里昔人以牝馬繫湖岸龍出與交屢產異馬明昇得之貢於都下按名勝志去大江二里句誤以今考之實二十里也○廳志古蹟移此

馬湖江 卽今金沙江在治南十里

西蘇角河 源出蠻界經流小馬頸子入金沙江

臭水河 由西昌縣界流至犍子村入金沙江上有甯波橋離犍子村百里為甯遠雷波交界處

大溜筒河 抵西昌縣界由涼山夷地流至犍子村東界入金沙江

秦沙河 治西南十五里流合金沙江

普阿姑小河 一名夷車河土司所管地方東界由

大涼山之夷格脚發源直流至廳屬犍子村大溜筒河入金沙大江

夷支羅小河 由海棠流出至沙馬界入夷車河西

敘州府志 卷六

山川

三

雷波

界入金沙江

西甯河 源出竹耳窩由濫壩子流出過西甯汛至

屏山石角汛入金沙江又名什葛溪

豆沙溪 治東十五里其沙如豆故名

羅三溪 治北一百四十里即石角溪上流

洗馬溪 抵西昌縣界至犍子村入金沙江

螳螂溪 治東五十里源出箐口汛北山入羅三溪

會西甯河入金沙江

那里溝 治東六里

皮羅溝 銀廠溝 俱在黑角汛

乍溝 治北五十里有貼防汎

額窄溝 在海腦壩地內

小溝 在涼山內道最險並廳志

水利附

宜賓縣

西坡堰 治東二十五里白沙塘溉田千畝有奇東

流入大江

王葵堰 治東二十里溉田七百畝有奇里人王葵

修與西坡堰合流入福溪口

鯉魚淵堰 治西四十里公館驛灌田千畝有奇二

敘州府志 卷六

水利

旱

雷波 宜賓

里許北流入大江諸生徐璋修

半邊寺堰 治西七十五里水發源屏山書樓鄉歷

統山青山灌溪左田八百畝有奇越二十里至烟溪

橋入江康熙中李文瓚修

許溪堰 治西七十里屏山界灌溪右田二千畝有

奇十里許合烟溪流入大江

九股堰 治北三十里溉田六千畝有奇東流入高

洞河合大江

北巖寺堰 治北十五里灌田二百畝有奇東南流

入大江僧廣慧修

山門堰 治北一百二十里義下鄉山門岩橫岩截
流成堰溉田一千二百畝有奇水西北折流入太平
橋溪北流入大江

朝東堰 治東北二十里涼姜溝截溪作堰灌田千
畝有奇西南流入大江嘉慶十一年監生梁彥章修
眞武池 治西北一百二十里義下鄉週圍二里許
灌田五百畝有奇池旁有眞武宮並縣志

葛家堰 治西北一百四十里源出萬家山藉溪溉
田二百畝有奇

天生堰 縣北一百四十里水從洞中出可溉田數
百畝

敘州府志

卷六

水利

堰

宜賓
慶符

久注堰 治東三里白沙屯界截溪成堰灌田二百
畝有奇武生趙正邦修並新

慶符縣

石魚嘴洞 縣東南三十里溉田計二百餘畝

龍洞溪 縣東三十里九盤坡側灌溉田數十畝

龍塘溪 縣東三十五里舊名龍塘溝平地湧出清

泉形如葡萄溉田百餘畝

分水嶺 縣東五十里安定鄉當積雨充溢之時上
流分入復古場下入洩口寺可分溉田五六十畝

馬踏堰 縣東六十里灌田數十畝

甘溝三堰 縣東一百四十里源出高峯寺山中行

十餘里合牛鼻山老者巖諸澗水至槐栗灘分成左

右堰其左堰可溉田五六十畝其右堰至朱家坳分

出東西兩堰可溉田二百餘畝

並縣志

富順縣

朱家堰 縣北十里明布政朱芹置可灌田百餘畝

奈家堰 縣西三十里明進士奈某置可灌田百畝

並舊縣志

蘆溪堰 縣西三十里桂花橋下蔡家洞上水分兩

敘州府志

卷六

水利

壘

慶符富順

岸流灌田四百餘畝道光五年里人朱近光建

新縣志增

舒家堰 縣西三十里可灌田百餘畝

起鳳堰 縣南三十里貯水可灌五百餘畝

龔家堰 縣南四十里引水可灌四百畝

鍋底堰 縣南五十里引水可灌田三百畝

以上三堰皆知

縣熊葵向置

四足堰 縣西五十里四足山下可灌田百餘畝

並舊

縣志

文溪堰 縣北七十里乾隆四十八年里人彭遇泰

等率眾建可灌田四百餘畝

方溪堰 治北六十里乾隆四十四年彭成彩等建
石筍堰 邑西四十里明登魁等建可灌田數百畝

並新
縣志

黃家塘 縣西六十里屬黃姓深濶可溉田千畝

鯉魚塘 縣西六十里屬周姓可溉田六十畝

斑鳩塘 縣北六十里郭家壩可溉田百餘畝

李家寺塘 縣北六十里中有泉可溉田百畝

並舊
縣志

南溪縣

合堰 縣北五十里其源一自老虎洞逕向家漕馬

頸坳一自龍洞灣經龍塘灣二水俱從象鼻山合雙

敘州府志

卷六

水利

三

富順
南溪

江橋經紅廟子龍蕩可溉田萬餘畝

海棠堰 縣東十五里源出天馬山至普門壩會黃

龍溪合大江可溉田六千餘畝

福堰 縣東南七里許源自隱山之青水塘下崖北

流合大江溉田千餘畝

鄧家溝堰 在縣大江西南五里許源自觀音巖下

鹿子洞至鄧家溝分注蘆亭之上下壩溉田三千餘

畝

碗廠堰 縣北三十里水從老鷹巖出碗廠溝三派

分流溉田三千餘畝

馬湛溪 縣東十里溉田千餘畝

羅龍池 縣西三十里有上中下三池週遭可五六

百畝秋水灌注三池若一兩岸居民常以小艇相往

來可溉田三千餘畝 並縣志

長甯縣 水利缺

高縣

許堰 在河右沿溪作堰灌田一百餘畝

石洞堰 在河右水從洞中出用木規引水灌田二百畝

大都堰 巖山堰 俱在河右用木規接過石巖灌

敘州府志 卷六

水利

畝

南溪

田三百餘畝約五里之遠

後溝溪堰 在河右就溪築壩放水灌田五千餘畝

天堂灣山堰 在河右灌田八十餘畝

馬大塘堰 在河右其源來自犀牛箐乾隆二十三

年冬知縣李鴻楷據喻村吏員舒連級稟查勘督率

農民興修共溉田五百餘畝

龍洞灣堰 響水洞堰 俱在河左灌田百餘畝

天塘 龍塘 俱在河右

石船堰 在安甯鄉又名世傳堰深四尺長四十五

丈灌田四百餘畝乾隆十九年知縣李兆錦督民重

修

石馬塘 在樂義鷹嘴山下

皇古堰 自徐家山發源流數里至沐愛壩左

官木巖堰 自西南發源至沐愛右

洞口堰 在正洲用石砌堰分灌兩岸田百餘畝

山堰十所 俱在定邊鄉沿山邊作堰候水發灌田

三百餘畝

馬大塘 在正洲河內相傳昔有怪物隱其中凡牲畜近之則飛起形如紅被卷入水中而食後有耕牛被卷其牛力大疾奔高岸怪失水自斃

敘州府志

卷六

水利

五

高縣

黃泥塘 廟子塘 大巖塘 俱在正洲

黑旺溪堰 城南八十里源出大關董家嶺左高右

筠舊址因水衝沒各田戶從公畫定砌石截之平分其利餘水出合宋江

龍蕩冲堰 源發玉龍菴山石中灌田足八十畝間

亦用木規引之

積穀堰 距縣南七十里源發任家菴等處堰口生

成石壁僅寬六尺

黃萬寨堰 距縣南七十里源發彭家寨大山下灌

田七十畝

蒲家溝堰 距縣南八十里源出大關張家坳高邑木懷塘等處灌田二百餘畝

孟家山堰 距縣南八十里源發大關張家坳

沙河子堰 距縣南八十里源發大關黑筍溝

黃水溪 在定邊鄉水流正洲入大溪可灌田二百餘畝

石頭溝 自木甌山流入正洲可灌田四百畝

落馬巖大堰 灌四方井上下田百餘畝

羊牧溝 在大堰下流灌田二百餘畝

余家堰 在河右舒家冲下乾隆年間邑庠余俊建

敘州府志

卷六

水利

巽

高縣

上下二堰放流二里許灌田四百畝

燕子巖堰 在吳家場梅家山發源分上下二堰溉田甚多

觀音洞堰 在沐愛水由洞出分爲二溉田甚多

龍口河堰 在河左灌田百餘畝

陶家堰 在河左用竹棍三道引水過江灌田五十畝

譚村三堰 在河左沿溪作堰三道上堰灌田一百九十畝中堰灌田一百八十畝下堰灌田一百六十畝

胡家灣堰 在河左灌田百餘畝 並縣志

筠連縣

廣濟堰 治南十里起木浪鄉吳村至東長龍

黃殺堰 治北十五里

水口坪堰 治南二里

龍會溝 治西北二十里

過洞溪 治北二十五里

定川堰 治東十里

頂陽關堰 治西北三十里

銀江古堰 二條今圯

敘州府志

卷六

水利

堰

筠連

天分堰 治南三十五里水由山出居民爭水訟不

已雷霹石塞之分爲兩堰原志載天生堰

大堰 治南三十里雙河場堰白望陽樓起沿場後

如帶灌溉二十餘里多膏腴沃壤

濫田堰 治東南魯班山半腰名犀牛阱有塘寬五

六丈源泉湧出筠高兩邑刊石平分流入筠者灌注

後村及七里壩各處

上堰 中堰 下堰 俱在治西南豐樂場通壩水

田皆此三堰灌溉 並縣志

珙縣

龍井舊堰 泉自地中湧出成井灌籽種可十石有餘

王家河舊堰 灌籽種約十五石

石家壩舊堰 灌籽種約七八石

小水溝古堰 灌籽種約十五石有零

大屋基舊堰 灌籽種約三四石 俱在崇禮鄉

溪尾漕兩河口堰 灌籽種約三十石

體力壩大堰 灌籽種約四十石

三根青桐樹堰 灌籽種約一石許

木香坪堰 灌籽種約三四斗

敘州府志

卷六

水利

吳

洪縣

本戶地方堰 灌籽種約一石許

大水溝堰 灌籽種約五石許

風家壩堰 灌籽種約三石許

落城堰 灌籽種約一石許

高榜堰 灌籽種約一石許

王家埂堰 灌籽種約三石許

三鍋莊堰 灌籽種約一石許

狍子村堰 灌籽種約一石許

何家壩堰 灌籽種約一石三斗許

牛歇涼堰 灌籽種約一石許

平寨壩堰 灌籽種約四石許今平寨壩以水車溉田甚廣

閆家嘴堰 灌籽種約一石許

小木溪塘 灌籽種約十餘斗

開水塘堰 灌籽種約五斗許

落木觀塘 灌籽種約六斗許

涼水井二塘 灌籽種約五石許

後營築塘 灌籽種約二斗許

鐵匠嘴新堰 灌籽種約二斗五升許

李家壩塘 灌籽種約二斗許

敘州府志

卷六

水利

完

興縣

樂歸沱新堰 灌籽種約八石許

加擔岩新堰 灌籽種約三十石許

柏楊灣新堰 灌籽種約十石許

楓子岩新堰 灌籽種約二十石許

柏楊溝舊堰 青山壩內溉田甚廣

風洞堰 自上乾河過張漢壩至落表壩溉田大小

千餘區

苗壩堰 與風洞堰相對溉田亦數百區

螃螬溪堰 小水出山間深廣不盈尺頗能溉田

俱在仁壽集義諸鄉

並縣志

興文縣

蒲草塘堰 在縣北

兩河口堰 在縣南

五村堰 在縣南

永利堰 在縣東水車壩係乾隆時邑人李明達由

九姓落浪漕引河水為堰灌田數百畝至今為利鄉

人祀之

並縣志

隆昌縣

石馬塘 縣北四里

獅子塘 縣北一里

敘州府志 卷六

水利

五

興文
隆昌

二龍塘 縣北三里

大堰塘 縣東三十里

映月塘 縣南四十里

胡家塘 縣南四十里

洗馬塘 縣西一里

清水塘 縣北五里

車家堰 縣東三十里

藍家堰 縣東二十里

徐家堰 縣北三十里

鄔家堰 縣北二十里

劉家堰 縣南四十里

龍王洞堰 縣西六十里

皮家灘堰 縣北六十里

彭家堰 縣東八里

戴家堰 縣西三十里

樂豐堰 縣東三里 並縣志

屏山縣 水利

馬邊廳 水利

雷波廳

龍洞堰 廳南大壩田數千畝初猶土也雍正時始

敘州府志 卷六

水利

至

隆昌 雷波

開為田前衛守備胡漪於北門外修築堤堰引龍洞泉水下流至北門分為兩道一經城內流出一傍西南城繞流大壩城內外居民既資飲汲而大壩即用灌田雖旱不甚為災至今民享其利

山王廟堰 那里溝田前後千餘畝其水由山王廟

堰引導而入前後溝分資灌溉 並廳志